



YOO RO' LÁ' INSTITUTO ELECTORAL NI NUU NDAANI' GUIDXI RO' ZAGUITA (IECM)

Ca binni rudii guendabiaani' ndaani' yoo ro' lá' Instituto Electoral ni nuu ndaani' guidxi ro'
Zaguita

CABIDXI CABE¹

CA BINNI GUIDXI NE CA BINNI DAGU' XIIXA PARTIDU PA GACALA'DXI'CA' QUITECA' LU CA GUENDA RIBII XAIQUE NI RUZUHUA LU XIIDXA' GUIDXI NI CHI GACA LU CA IZA 2026-2027 NI CHI GACA LU (6) XHOOPA GUBIDXA XI BEU SANTIAGÚ NE NABEZACA' NDAANI' TOBI DE LU CA CHII BI XHOOPA NDAA GUIDXI HUIINI NI NUU NDAANI' GUIDXI RO' ZAGUITA, ZANDA GUIDXIÑACA' ICÁ' LÁ' CA'.

Ca neza ni chinanda ca dxiiña' de guenda ribi xaique guidxi ni chi gaca lu ca iza 2026-2027 ca la?, napa xide gaca cani casi ná' lu ca xtiidxa' **INSTITUTO ELECTORAL NI NUU NDAANI' GUIDXI RO' ZAGUITA (IECM).**

Ndi' nga ca neza nexhe' ti ganda gaca ca dxiiña' de guenda ribi xaique ca:

- **Gata xineza nga naquiñe' gaca ca dxiiña' ca:** ca binni runi dxiiña' ndaani' Instituto Electoral ni nuu ndaani' Guidxi ro' Zaguita ca la?, lu nirudo' dxi nexhe guzulu' guni cabe ca dxiiña' di nga lu nirudo' binabi septiembre iza 2026. Ndaani ca dxi ri nga má' zanda guidxiña ca binni ni gacala'dxi' quite ti ganda gaca xiixa xaique guidxi huaxa napa cabe xi guni cabeni casi ná lú ca diidxa' bia' xti' ELECTORAL ca, ca dxiiña' ri' la?, zedaguiluxe cani dxi má' guzulu ca binni sá' ca' guyubica' binni guidxi guzee lu ca gui'chi' ra ca la cabe ne guini' ca' laacabe zanda gaca cabe xaique guidxi que.
- **Dxi guenda ribi cabe tuuxa ti gaca ca xaique guidxi:** dxiiña' ca la?, zuzuluni lu

¹ Versión ejecutiva de la convocatoria, el documento íntegro puede ser consultado en:
<https://www.iecm.mx/convocatoria-proceso-electoral-local-ordinario-2026-2027/>

8:00 xigaba siaddo'guie' ne gueda guiluxeni domingo lu xhopa gubidxa xi beu santiagú iza 2027 ne ra guchiña cabe ca gui'chi' bizee lu que ra nuu ca binni runi dxiiña' ndaani' Instituto Electoral ni nuu ndaani' Guidxi Ro' Zaguita (IECM) que.

- **Ca guenda rigaba' pabia' binni guye yeguzee lu gui'chi':** nirudo' la?, naquiñe' guchiña cabe ca gui'chi' bizee lu que ra nuu ca binni runi dxiiña' ndaani' Instituto Electoral ni nuu ndaani' Guidxi Ro' Zaguita (IECM) que ne zaluxe cani rá má' igaba chahui' pabia gui'chi' bizee cabe lu.
- **Ra guihuini tulaa gupa jmá' binni:** ra guiluxe igaba' ca gui'chi' ni bizee cabe lu que la?, zahuini tulaa jmá' xtale binni gupa ra que má' gudii cabe ti gui'chi' ni guini' ngue gaca xaique guidxi ni guzuhuaa lu xtiidxa' binni guidxi, laca ra queca guihuini tulaa guiaana gaca xaique guidxi xti' xiixa guidxi huiini, ne tu laa gaca xaique xti' ca ndaa guidxi huiini xti' guidxi ro' zaguita, huaxa ca binnni runi dxiiña' ndaani' yoo ro' lá' Instituto Electoral ca nga gudiini laacabe ne pa cadi ca binni ri la?, ca binni runi dxiiña' ndaani' yoo ro' ni ribee xia donda lá' Tribunal Electoral ni nuu ndaani' guidxi ro' zaguita que nga gudiini laacabe.

Ca binni guidxi ni nabeza ndaani' guidxi ro' zaguita ne gacala'dxi'ca' quiteca' ti ganda gacaca' xaique xti' xiixa guidxi huiini ne cani nabeza ndaani' ca ndaa' huiini xtini la?, zanda che cabe chi gucaa cabe lá' cabe ti ganda quite cabe pa gacala'dxi' cabe gaca cabe xaique guidxi n epa zá caabe de ca ca politicu o pá zá cabe de binni guidxi si la?, zanda ica lá' cabe, huxa nirudo' napa xi guni cabeni casi ná lu ca diidxa' biá' IECM/ACU-CG-050/2026 ne ca diidxa' ni ca lu gui'chi' cabidxi binni guidxi ri'. Ra guidxiña' ca binni ché ica lá' ti ganda quite pa gaca xiixa xaique guidxi que la?, nirudó' napa xi guicaca cabe ca xahui'chi' ca binni góla, ca binni huará', ca badu ngui ne badudxapa nahuiini gá ru', ca ngui ne ca muxe', ne xqui'chi' binni huala'dxi' ne ca binni yase' ni nabeza ndaani' ca ndaa huiini xti' guidxi ro' zaguita, ti zaca ná ca diidxa' bia' xti' ca dxiiña' ri gacani. Ca binni guidxi ni gacala'dxi' gaca xaique xti' xiixa guidxi huiini la?, napa cabe xi sá' cabe guyubi cabe binni ti ganda gucaa xtuuba' lu xqui'chi' cabe ti ganda gaca cabe xaique guidxi, huaxa napa xide gacani lu bia' dxi má' gula'qui' ca binni runi dxiiña' ndaani' yoo ro' lá' Instituto Electoral ni nuu ndaani' Guidxi Ro' Zaguita (IECM) gacani, ti laca zacaca gula'qui' cadiidxa' bia' xti' ca dxiiña' ri' gacani.

